



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

148. Monet Milites, ut ante conflictum cum hoste, Signo Crucis frontem
muniunt, Patres Brasilum Magistri.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

VIII.

AMATOR CRVCIFIXI

*Monet milites, ut ante conflictum cum
hoste signo Crucis frontem muniant.*

148.
PATRES
Brasilum
Magistri.

ID fecit, Patrum Societatis doctrinâ
benè instructa heroina Brasilis, &
cessit ex voto. Cùm enim inter incolas
Piratiningæ, populosque finitimos ex-
citatum esset bellum, Piratininganæ
autem simul in aciem exivissent, inopi-
natâ multitudine hostium exterriti, a-
nimos jam propè desponderant. Tum
Ducis uxor, virilis animi fœmina, de
more gentis comitata virum, nec ita
multo ante benè instituta in rebus fidei,
ac lustrata baptismo, perculos metu
milites cohortata est, uti salutari SIGNO
CRVCIS frontibus communitis impavi-
di ferrentur in hostem.

Factum, ut imperarat: tantisque in
hostem animis irruerunt, ut ingentem
stragem ediderint, reliquasque copias
partim ceperint, partim in fugam aver-
terint: nullis omninò è Piratininganis
desideratis, ac ne vulneratis quidem. Si
duos excipias spiculo transverberatos
(quorum alter extinctus est) qui pię mu-
lieris consilium, & hortamenta contem-
nentes, frontem CRVCIS non signaverāt.

Nicol. Orlandi. Histor. Societ. lib. 14. num. 113.